

## DEALBH-OBRACH & PACA-IARRTAIS-OBRACH



| <b>Dreuchd</b>                  | <b>Riochdaire Didseatach (YouTube)</b>                    |
|---------------------------------|---|
| Cunntachail gu                  | Leas-Choimiseanair (Didseatach)                           |
| Stèidhichte                     | Ag obair air astar + oifisean ann an Glaschu/Steòrnabhagh |
|                                 |   |
| Deit dùnaidh airson tagraidhean | 8 Giblean 2022, 12f                                       |
| Agallamhan                      | 25 Giblean 2022<br>MS Teams                               |

23 Màrt 2022

A thagraiche chòir

## IARRTAS OBRACH – RIOCHDAIRE DIDSEATACH (YOUTUBE), CÒMHDACH FÒRLADH MÀTHAIREIL

Taing airson d' ùidh san dreuchd airson Riochdaire Didseatach (YouTube).

Tha sinn a' sireadh proifeasantach a tha eòlach air margaidheachd didseatach le sealladh deimhinneach obrach, sàr-sgilean conaltraidh agus eadar-phearsanta agus eòlas dearbhte ann a bhith ag obair air cruthachadh agus coimhead às dèidh susbaint air YouTube. Dh'fhaodadh gum bi eòlas a bhith ag obair san roinn craolaidh na bhuannachd, ach chan eil e riatanach. Tha comas teachdaireachdan a sgrìobhadh ann an Gàidhlig deatamach.

Tha e a' toirt toileachas dhuinn am paca-iarrtais-obrach a chur an cois seo.

Gus tagradh a chur a-steach, cuir thugainn litir-chòmhdachaidh agus an CV agad le iomradh air do sgilean, eòlas agus comasan, a' cur aire shònraichte air an Sònrachas Obrach. Bu mhath leinn cluinntinn mu do chomasan agus eòlas bhon dà chuid obraichean pàighte agus saor-thoileach. Ma tha thu ag iarraidh còmhradh neo-fhoirmeil mun obair agus mun chothrom, cuir fios gu Claire NicLeòid, Comhairliche HR, air [hr@mgalba.com](mailto:hr@mgalba.com) agus cuiridh sinn air dòigh àm freagarrach airson còmhradh.

Bu chòir dhut do thagraidh a chur a-steach ro **12f Dihaoine 8 Giblean 2022** gu [hr@mgalba.com](mailto:hr@mgalba.com). Cha tèid beachdachadh air tagraidhean a thèid an cur a-steach an dèidh seo.

Thèid agallamhan a chumail Diluain 25 Giblean 2022.

Le dùrachd



**Dòmhnall Caimbeul**  
**ÀRD-OIFIGEAR**

## MU AR DEIDHINN

### Cò sinn?

Tha MG ALBA (Seirbheis nam Meadhanan Gàidhlig) a' ruith na seanail Ghàidhlig **BBC ALBA** ann an com-pàirteachas leis a' BhBC. Tha uallach oirnn cuideachd airson [FilmG](#), [LearnGaelic](#) agus [SpeakGaelic](#) ann an co-bhanntachd le com-pàirtichean eile.



Tha fiosrachadh cudromach mu ar n-amasan agus ar toraidhean airson na bliadhna seo ri fhaighinn nar [Plana Obrachaidh 2021/22](#).

### Càite bheil sinn?

Tha sinn stèidhichte ann an Steòrnabhagh, le làthaireachd cuideachd ann an Glaschu agus Inbhir Nis

### Ar Luchd-obrach & Am Bòrd

Tha 44 [neach-obrach](#) againn, le [Bòrd](#) de 9.

### Ar n-Àrainneachd Obrach

Thathas ag obair le dòigh obrach firinneach, fosgailte agus eadar-obrachail. Tha guth gach neach nar sgioba a' cunntadh. Thathas a' co-roinn nas urrainn dhuinn de dh'fhiosrachadh gus am bi fios aig gach neach ciamar a tha am buidheann a' dèanamh, ciamar a tha sinn uile a' cur ri sin agus ciamar as urrainnear a bhith fiùs nas fheàrr nar n-obair.

Thathas pròiseil gun do choilean sinn barantachadh bhon taobh a-muigh bho *Broadcast Best Places to*



*Work in TV* airson sia bliadhna co-leantaileach, Inbhe Platinum bho *Creideas nar Cosnaichean* agus Inbhe Òir bho *Creideas nar Cosnaichean Òga*. Thathas dealasach ann a bhith a' dèanamh nas urrainn dhuinn gu bheil ar daoine fallain agus air an coimhead às an dèidh, ag obair le *Healthy Working Lives Awards agus We Invest in Wellbeing* bho Chreideas nar Cosnaichean gus seo a choileanadh.

### Uallachaidhean Chorporra agus Shòisealta

Mar bhuidheann, thathas làn dhealasach mur Ullachaidhean Chorporra agus Shòisealta, a tha air an coileanadh ann an ioma dòigh, nam measg tro ar Poileasaidh Àrainneachd, ar Poileasaidh Fastaidh agus ann an tabhartasan seach airgead chun choimhearsnachd agus buidhnean carthannais. Thathas gu cunbhalach a' toirt seachad eòlas saor an-asgaidh agus uidheamachd gu tachartasan ionadail togail airgid, dannsan carthannais, farpaisean cheist, cuirmean dhuaisean agus bithear cuideachd a' toirt taic do riochdachadh bhidiothan foillseachadh carthannais, tachartasan spòrs, bùithtean-obrach cultarail agus foghlaim agus tachartasan film/Mòd.

## DREUCHD RIOCHDAIRE DIDSEATACH (YOUTUBE)

### Cùl-fhiosrachadh

Tha na meadhanan Gàidhlig, coltach ri gach meadhan eile, a' dol tro atharrachadh brìgheil. Tha seo an dà chuid dùbhlach agus brosnachail.

Is e deagh chothrom a tha seo do phroifeasantach a tha eòlach air margaidheachd didseatach a thighinn còmhla ris an sgioba aig MG ALBA ann an dreuchd Riochdaire Didseatach (YouTube). Bithibh mothachail gur e cùmhnannt ùine stèidhichte a tha seo a thaobh còmhach fòrladh màthaireil. Stèidhichte taobh a-staigh Sgioba an Aonaid Dhidseataich againn, cuiridh an neach gu mòr ri toradh didseatach BBC ALBA, tro shruth-obrach comharraichte, ag obair còmhla ri Leas-Choimiseanair (Didseatach), Oifigear Meadhanan Didseatach, Riochdairean Didseatach agus co-obraichean eile gus làthaireachd BBC ALBA air YouTube a stiùireadh. Faodaidh an dreuchd seo a bhith air obrachadh gu sùbailte co-shinte ri ar cleachdaidhean a thaobh obrachadh èasgaidh.

### Daoine

Bidh na prìomh feartan a leanas aig an tagraiche freagarrach againn:

- Deònach a bhith mar phàirt de sgioba thrang agus làn spionnadh
- Sàr-sgilean eadar-phearsanta agus conaltraidh
- A bhith brosnachta agus fèin-thòiseachaidh
- Sgilean buaidh agus anailiseach làidir
- Sàr thuigse air YouTube mar sheanail didseatach gus leigeil le leasachadh agus cumail suas làthaireachd làidir meadhanan didseatach airson luchd-cleachdaidh YouTube BBC ALBA
- Deònach a bhith a' gealltainn ri ionnsachadh san obair, le taic bho leasachadh proifeasanta agus teisteanasan taobh a-muigh

### An dreuchd

Bidh an Riochdaire Didseatach (YouTube) cunntachail don Leas-Choimiseanair (Didseatach). Am measg prìomh eileamaidean na dreuchd tha:

- A' cruthachadh agus a' foillseachadh susbaint air seanail YouTube BBC ALBA
- A' co-òrdanachadh agus a' cur an sàs sruth-obrach riochdachaidh airson YouTube
- A' planadh air adhart agus clàradh susbaint YouTube
- A' rèiteachadh cheadan/chòraichean airson susbaint còmhla ris an sgioba Gnìomhachais
- A' cur air dòigh agus a' riochdachadh nithean gu ìre crìochnaichte airson a sgoileadh air YouTube
- A' co-obrachadh le luchd-deasachaidh/sgioba obrachaidh gus nithean crìochnaichte a thoirt gu buil
- A' dèanamh cinnteach gu bheil 'editorial compliance' ann airson na susbaint gu lèir an cuide ris an Leas-Choimiseanair (Didseatach) agus an Deasaiche Seirbheis
- A' gabhail pàirt ann an coinneamhan sgioba gach seachdain
- Lèirmheas mìosail air mion-sgrùdaidhean ùrlaran agus iad sin an aithris don sgioba
- Solarachadh còmhach saor-làithean taobh a-staigh na sgioba
- Eòlas air a h-uile seanail mheadhanan sòisealta

## Ar Luachan

'S iad na luachan againn na prìomh phrionnsabalan a bhios a' stiùireadh ar n-obrach. Tha iad a' sònrachadh nam prìomhachasan againn agus tha iad mar bhun-stèidh anns gach rud a nì sinn.

### Cruthachalachd

- Tha sinn a' comasachadh cruthachadh sàr-shusbaint Ghàidhlig

### Luchd-amhairc

- Tha sinn air ar fiosrachadh agus air ar brosnachadh le ar luchd-amhairc

### Àrd-amas

- Tha sinn ag amas air agus a' libhrigeadh sàr-mhathas

### Co-bhanntachd

- Tha sinn a' coileanadh tro cho-obrachadh

### Spèis

- Tha sinn ag èisteachd; tha sinn a' brosnachadh; tha sinn cothromach

## FIOSRACHADH TAGRAIDH

### Prìomh Chinn-là

|                      |                     |
|----------------------|---------------------|
| Tagraidhean fosgladh | 23 Màrt 2022        |
| Deit dùnaidh         | 8 Giblean 2022, 12f |
| Agallamhan           | 25 Giblean 2022     |

### Pròiseas Taghaidh

Tha am pròiseas taghaidh air a chur a-mach ann am [Poileasaidh Fastaidh MG ALBA](#).

### Pannal Taghaidh

Leas-Choimiseanair (Didseatach) agus Oifigear nam Meadhanan Didseatach, le taic bhon Chomhairliche HR.

### Sgrùdadh Co-ionannachd Chothroman

Tha sinn nar fastaichean co-ionannachd chothroman agus bithear a' cumail sgrùdadh air dàta fastaidh. Cuiribh crìoch air an fhoirm an cois seo, a tha a rèir reachdas GDPR.

### Tagraichean Ciorramach

Cuirear fàilte air tagraidhean bho dhaoine ciorramach agus tha sinn a' gabhail pàirt san Sgeama Agallamh Barantas Obrach airson tagraichean a tha air iad fhèin a mheasadh mar chiorramach agus a tha a' coileanadh nan slatan-tomhais aig an ìre as ìsle airson dreuchd bhàn.

### Rèitearan

Thèid fios a chur gu dà rèitire nuair a thèid gabhail ri tairgse obrach cumhach. Cha tèid fios a chur gu rèitire gun ur cead.

### Dàimh le Ball Bùird / Oifigear / Strì eadar Chom-pàirtean

Bu chòir dàimhean le buill bùird no luchd-obrach, no strì chom-pàirtean ann an dà-rìribh na dh'fhaodadh a bhith air fhaicinn mar strì chom-pàirtean a chur am follais san tagradh.

### GDPR

Thèid dàta pearsanta taobh a-staigh ur tagradh a phròiseasadh, a chumail agus a chur ann an tasglann/cur às dheth a rèir [Sanas Priobhaideachd MG ALBA](#).

## GEÀRR-IOMRADH AIR TEIRMEAN IS CUMHAICHEAN NA H-OBACH

|                             |  |
|-----------------------------|--|
| <b>Ìre</b>                  | C1   |
| <b>Tuarastal</b>            | £26,795-£30, 848 gach bliadhna   |
| <b>Fòrladh bliadhnail</b>   | 25 là + 12 saor-làithean poblach   |
| <b>Peinnsean</b>            | Sgeama Peinnsein Tabhartas Sònraichte, cuiridh MG ALBA 10% den tuarastal bliadhnail, a' dol suas gu 15% ma chuireas an neach-obrach tabhartas de 5% ris                                  |
| <b>Bàs ann an Seirbheis</b> | 4 x Tuarastal Bliadhnail   |
| <b>Sochairean Eile</b>      | Gus dòigh beatha fhallain a bhrosnachadh thathas a' tairgse ballrachd <i>gym</i> . Tha dòighean-obrach math teaghlaich agus sùbailte againn agus thathas a' tairgse sgeama rothaireachd. |

### Sgeama Pàigheadh Tinneis

|                                    |   |
|------------------------------------|---|
| Seirbheis suas gu dà bhliadhna     | Làn-pàigheadh 1-mhìos agus leth-pàigheadh 1 mhìos, ann an aon bhliadhna |
| An-dèidh seirbheis 2 bhliadhna     | Làn-pàigheadh 2-mhìos/leth-pàigheadh 2 mhìos, ann an aon bhliadhna      |
| An dèidh seirbheis 3 gu 4 bliadhna | Làn-pàigheadh 3-mìosan/leth-pàigheadh 3 mìosan, ann an aon bhliadhna    |
| An-dèidh seirbheis 5 bliadhna      | Làn-pàigheadh 4-mìosan/leth-pàigheadh 4 mìosan, ann an aon bhliadhna    |

### Ionnsachadh & Leasachadh

Tha e riatanach gum bi plana Ionnsachaidh agus Leasachaidh aig gach neach-obrach a ni comasach dhaibh fàs nas èifeachdaich nan obair agus na h-amasan bliadhnail obrach aca a choileanadh. Thathas a' brosnachadh teisteanasan proifeasanta.

### Gàidhlig

Is e a' Ghàidhlig cànan obrach MG ALBA. Feumaidh an dreuchd seo ìre làidir de chomas sa chànan. Thèid taic a thoirt do gach tagraiche a tha airson tuilleadh leasachaidh a dhèanamh air a' cheangal aca ris a' Ghàidhlig.

### Tuilleadh Fiosrachaidh

Airson còmhradh neo-fhoirmeil mu pìos sam bith den obair, cuiribh fios gu [hr@mgalba.com](mailto:hr@mgalba.com) agus thèid àm freagarrach a chur air dòigh airson còmhradh.

## DEALBH-OBACH

| Tìotal-obrach             | Riochdaire Didseatach (YouTube)  | Ìre | C1 | Uaireannan Seachdainneach | 37 |
|---------------------------|--|-----|----|---------------------------|----|
| <b>Stèidhichte</b>        | <b>Steòrnabhagh / Glaschu / Air astair</b>   |     |    |                           |    |
| <b>Amas</b>               | Stiùir pròiseict riochdachadh agus foillseachadh susbaint YouTube BBC ALBA.  |     |    |                           |    |
| <b>Cunntachail do</b>     | Leas-Choimiseanair (Didseatach)  |     |    |                           |    |
| <b>Le uallach airson</b>  | A' cur ri toradh didseatach BBC ALBA, tro shruth-obrach comharraichte, ag obair còmhla ri Leas-Choimiseanair (Didseatach), Oifigear Meadhanan Didseatach, Riochdairean Didseatach agus co-obraichean eile gus susbaint BBC ALBA fhoillseachadh air YouTube a thuilleadh air ùrlaran BBC eile.  |     |    |                           |    |
| <b>Dàimhean obrach</b>    | Bidh an neach ag obair mar bhall den Aonad Dhidseatach fo stiùir an Leas-Choimiseanair (Didseatach) agus a' conaltradh gach latha leis an Oifigear Meadhanan Didseatach, Riochdairean Didseatach, sgioba Teicneòlais, Deasaiche Seirbheis, solarachan treas-phàrtaidh de stuthan 'interstitial' agus stuthan eile airson ùrlaran didseatach.   |     |    |                           |    |
| <b>Prìomh Thoraidhean</b> | A' dèanamh cinnteach gu bheil an Leas-Choimiseanair (Didseatach) agus co-obraichean eile air an taiceachadh le susbaint didseatach airson BBC ALBA, nam measg foillseachadh seanail, ag obair tu ruige KPIan sònraichte taobh a-staigh àrainneachd ioma-ùrlar.   |     |    |                           |    |
| <b>Prìomh gnìomhan</b>    | <p>A' toirt taic don Leas-Choimiseanair (Didseatach) agus co-obraichean bhon Aonad Didseatach ann a bhith a' leasachadh agus a' cumail suas làthaireachd làidir sna meadhanan didseatach, a' gabhail a-steach:</p> <ul style="list-style-type: none"> <li>• A' cruthachadh agus a' foillseachadh susbaint air seanail YouTube BBC ALBA</li> <li>• A' co-òrdanachadh agus a' cur an sàs sruth-obrach riochdachaidh airson YouTube</li> <li>• A' planadh air adhart agus clàradh susbaint YouTube</li> <li>• A' rèiteachadh cheadan/chòraichean airson susbaint còmhla ris an sgioba Gnìomhachais</li> <li>• A' cur air dòigh agus a' riochdachadh nithean gu ìre crìochnaichte airson a sgaoileadh air YouTube</li> <li>• A' co-obrachadh le luchd-deasachaidh/sgioba obrachaidh gus nithean crìochnaichte a thoirt gu buil</li> <li>• A' dèanamh cinnteach gu bheil 'editorial compliance' ann airson na susbaint gu lèir an cuide ris an Leas-Choimiseanair (Didseatach) agus an Deasaiche Seirbheis</li> <li>• A' gabhail pàirt ann an coinneamhan sgioba gach seachdain</li> <li>• Lèirmheas mìosail air mion-sgrùdaidhean ùrlaran agus iad sin an aithris don sgioba</li> <li>• Solarachadh còmhach saor-làithean taobh a-staigh na sgioba</li> </ul>            |     |    |                           |    |
| <b>Sgilean bunaiteach</b> | <ul style="list-style-type: none"> <li>• Teisteanasan iomchaidh agus / no eòlas co-ionann ann a bhith a' cur air dòigh conaltradh, margaidheachd/seanail didseatach;</li> <li>• Sàr sgilean eadar-phearsanta agus conaltraidh (labhairteach agus sgrìobhte) ann an Gàidhlig agus Beurla;</li> <li>• Comas sgrìobhainnean agus taisbeanaidhean àrd-chàileachd a chruthachadh;</li> <li>• Comasach air an ùine agad fhèin a riaghladh agus deagh bhreithneachadh a chleachdadh ann a bhith a' dèanamh prìomhachas a rèir èiginn is prìomhachas;</li> <li>• Cluicheadair sgioba làidir, comasach air a bhith ag obair ann an co-chomhairle ri daoine agus comasach air stiùireadh a thoirt dhaibhsan a tha os do chionn</li> <li>• Sàr sgilean rianachd agus planaidh;</li> <li>• Comas sàr dhàimhean obrach a thogail agus a chumail suas in-thaigh air an taobh a-muigh;</li> <li>• Comasach air a bhith ag obair gu cinn-ama teann agus fo chuideam, a bhith spionnadaill ach comasach air obrachadh gu socair agus le lùths;</li> <li>• Comas a bhith a' faicinn cùisean mus tachair iad, a' toirt seachad fhuasglaidhean, mholaidhean agus an toirt gu aire ann an deagh àm;</li> <li>• Ìre àrd de dhealas airson leasachadh pearsanta is proifeasanta.</li> </ul> |     |    |                           |    |



|                               |  |
|-------------------------------|--|
|                               | <p>Tha sealladh adhartach, comasach, obair-sgioba agus sgilean dhaoine aig cridhe soirbheachas an t-suidheachaidh seo agus bu chòir gum biodh comas aig tagraichean eòlas a nochdadh ann a bhith a’ dèiligeadh ri measgachadh de dhaoine taobh a-staigh buidheann agus an dòigh-obrach aca gus daoine fhaighinn gu bhith ag obair gu math còmhla.</p> <p>Tha eòlas deasachaidh bunaiteach no dealas airson ionnsachadh riatanach.</p> <p>Tha eòlas pearsanta agus proifeiseanta air, agus dealas do, leasachadh agus innealan ioma-ùrlair ion-mhiannaichte, agus cuideachd comas teachdaireachdan a sgrìobhadh sa Ghàidhlig.</p>   |
| <p><b>Riosg</b></p>           | <ul style="list-style-type: none"> <li>• Fo Mhodail Riaghladh Cunnairt MG ALBA, thathas a’ faicinn cunnart mar rud a tha a’ buntainn ris a h-uile duine.</li> <li>• Mar sin, tha uallach air gach neach-dreuchd beachdachadh air cunnart an-còmhnaidh, a’ toirt a-steach uallach a bhith ag aithris/a’ beachdachadh air cunnartan, cunnartan a dh’fhaodadh nochdadh, maothachadh cunnairt agus/no cùisean don Mhanaidsear Loidhne aca no do bhuill Buidheann Riosg Corporra.</li> <li>• Bidh na Clàran Riosg mìosail as ùire rim faicinn air SharePoint agus thathas a’ brosnachadh luchd-dreuchd iad sin a leughadh gu cunbhalach.</li> <li>• Bu chòir do gach neach-dreuchd a bhith deònach beachdachadh air cunnart aig measaidhean luchd-obrach agus/no amannan còmhradh obrach</li> </ul> |
| <p><b>Fad na h-obrach</b></p> | <p>Cùmhnant ùine stèidhichte (12 mìos) airson còmhdach fòrladh màthaireil</p>  |